

# Jean Calvin e ses cumbat nunstanclentaivel

DA JOHANN ULRICH SCHLEGEL

■ **Il 10 da fanadur 2009 pudain nus festivar il 500avel anniversari dad in dals pli pussants manaders spiritalis da l'istorgia umana. El ha cuntanschi la vegliadetgna da mo 54 onns e tuttina ha Jean Calvin – tant pli ch'el era in ester e fugitiv persequità – pudì marcar la citad da Geneva.** Gea, el ha perfin gidà questa citad, fin lura provinziala, a davenportar ina segunda citad da Roma, dentant protestanta, cun consequenzas per l'entir mund. Ils Stadis Unids da l'America, la pli gronda pussanza dal mund, èn marcad gist uschè fitg dal spiert protestant da Calvin sco l'ONU, quai che na sa manifestescha betg il pli davos en l'elecziun da Geneva sco sedia principala da l'ONU en l'Europa.

## Dal giurist al teolog

Il bab da Calvin era procuratur general e secretari da l'investg da Noyon en Frantscha. El aveva fastidis cun ses emploiader, la Baselia, e giavischa che ses figl, naschi il 10 da fanadur 1509 ed uss en la vegliadetgna da 19 onns, daventia giurist. Il giuven Calvin è gia a Paris en l'università. En ils roms generals dal gimnasi ha el acquirì il titel dad in magister dals arts liberals ed in studi da teologia ordinari na stat gnanca en discussiun. Ma quest giuven um ha gia udi da Martin Luther. Tuttina na datti nagins indizis ch'el s'allontaneschia dal catolicissem. L'onn 1532, cun 23 onns, terminescha el ses studis cun il licenziat da la giurisprudenza.

## La cesura

Tge pomai pensava quest giuven absolut universitar e giurist? Nus stuain resguardar che la vita da quel temp era influenzada fermamain da la religiun. E quai vegniva represchentà plain pussanza e betg senza crudaiudad da la Baselia. Per lezza n'era la persequziun da las strias betg insatge extraordinari, mabain il mingadi normal – era sch'igl era in mingadi brutal. La chatscha sin las strias n'era betg quai che disturbava Calvin, el sez è perfin daventà in grond persequitader da strias sco tut ils auters fin a Luther era. Umens e dunnas persequitava el dal remitent cun la medema mesira.



**Dom da Geneva (s. Pieder) nua che Calvin predegiava e scolava.**

Las universitads èn da tut temp adina era gnies dad ideas selvadias, da circuls da l'opposiziun ed entgarnas per filosofos che tschertgan novas vias radicalas. Plain engurdientscha vegn tschertgà – betg adina quai che fa il pli da basegn, gea gnanc quai che n'è necessari. Per il pli èn ins a la tschertga da modas alternativadas ed a quai ch'è gia sviluppa insanu'auter e che brigliescha da là cun glischur exotica, ma che n'exista betg en il lieu u vegn supprimì.

Calvin n'aveva atgnamain mai frequentà prelecziuns da teologia ed oravant tut betg fatg examens en quella facultad. Apparentamain è el crudà en in sumegliant conflict cun la Baselia sco gia ses bab. Mo che quest conflict stueva esser blier pli fundamental e pli intellectual. Malcunvegnientschas tar la Baselia da quel temp eran notoricas. Ma ins aveva la tschern: Sperar ch'i sa megliereschia u forsà sa decider per l'opposiziun privlusa. Calvin è sa decidi da s'allontanar da la Baselia, gea, anc pir: El ha professà la refurmaziun da l'opposiziun.

La consequenza era da quel temp vaira evidenta. Cun grond privel da mort sto Calvin fugir da Paris e da la Frantscha. El

cuntanscha bain protegi la citad da Baselia e qua cumenza a glischar sia staila che na dueva mai pli stizzar.

## La prestaziun gloriosa e fundamentala da Calvin

Malgrà ch'el è fugitiv, ha Calvin daners, las megras manieras aristocraticas e bunas relaziuns. Gia durant la fugia aveva el cumenza a scriver. A Basilea scriva el bunamain di e notg. Il cudesch survegn il titel «Institutio» e duai instruir il lectur en la religiun cristiana. Questa «Christianae religionis institutio», sco quai che l'ovra sa cloma cun il titel entir, renda renumà Calvin en l'entir mund. Cun questa ovra daventa el, il giurist, il pli impurtant teolog sistematic dal tschientaner.

Per sa recrear fa il nov autur da bestseller in viadi en l'Italia. Il viadi na para dentant betg dad esser stà mo divertent e creativ. Eveniments da guerra impedeschan Calvin da turnar directamain a chasa. El sto guntgir sur Geneva.

Gia enturn l'onn 1520 avevan emprims propugnatur da la nova cardientscha cumbattanta purtà las scrittiras da Luther ed il protestantissem nà da Paris a Geneva. Il plevon Guillaume Farel, medemamain immigrà da la Frantscha, era a la testa da quels cumbattants religios. Dapi il 1532 refurmava el uss a Geneva; l'investg era vegnì relaschà e la messa catolica abrogada.

Farel aveva legì cun entusiassem l'ovra «Institutio» da Calvin ed uss era quest confrar en citad. Na fissi betg pussaivel d'al tegnair qua a Geneva e d'al persvader da construir cun el la nova Baselia?

L'emprim anc in pau targlinant, ma lura cun adina dapli schlantsch, cumenza Calvin sia collavuraziun. Il 1537 vegn el elegì reverenda ed entschaiva a medem temp a dar prelecziuns davart la Bibla.

## Calvin e sia teoria da la predestinaziun

Calvin era fermamain influenzà dals ideals puritans da l'opposiziun e defendeva il dogma che Dieu haja adina gia decidi en sia tutpussanza davart il destin da mintgin da nus. Pertge sch'il singul pudess intervegnir en ses destin, na fiss Dieu gea betg tutpussant. N'emporta betg tge ch'in uman fa, igl è adina gia predestinà – ch'el saja lura elegì per il salit perpeten u per la perdiziun eterna. Nagliur en il protestantissem ha quella uschenumnada teoria da la predestinaziun chattà tanta uddida sco durant l'annunziaziun da Calvin. Ma ins po natiralmain sa dumandar: Na maina in tal patratg betg a l'indifferenza, gea, al fatalissem? Sche jau poss far tge che jau vi, perquai che mia sort è tuttina gia decidida, lura n'emporti betg che jau ma dettia fadia u ma laschia ir.

A questa soluziun fatalistica prevegn Calvin entras declarar la glorificaziun da Dieu sco unica finamira dal cristianissem. Tenor Calvin n'è il mund betg stgaffì per l'uman, mabain unicamain per Dieu. Il

cartent ha da drizzar sia entira vita tenor la finamira da plaschair a Dieu. Malgrà tut sias insuffizienzas sto il cristifidaivel gia qua sin terra gidar a realisar il reginavel da Dieu. Questa collavuraziun po alura anc adina gidar a vesair ch'ins è eventualmain elegì.

## La fundaziun dad ina teocrazia

Calvin sa precisamain ch'igl è tuttina a bliers umans – ch'els sajan cartents u betg –, sch'els plaschian uss a Dieu u betg. Perquai tutgi a la Baselia, respectivamain a sia direenziun, da far valair senza resguard ils cumandaments da Dieu, tant tar ils elegids sco tar ils bandischads. Uschia n'è la Baselia per Calvin betg in lieu dal salit, ina communitad d'amur tranter ils umans, mabain il giuf da Cristu, la torta da Dieu en il cumbat encunter il reginavel dal nausch. Sco dictatura en num da Dieu ha ella, la Baselia, il dretg e l'obligaziun da pratigar pussanza assoluta.

Cun questa teologia endirida procura Calvin per numerus inimis er en la citad da Geneva gia refurmada. I dat battaglia ardentas. Ils adversaris da Calvin eran oravant tut da la classa superiura da commerziants bainstants. Quella glied appreciava pli fitg la renaschientscha, il giudair la vita e la pussaivladad individuala da sviluppar sazez. Calvin e Farel dentant pretendan da viver a moda modesta ed ascetica. Els scumondan la marschadetgna e la pompa, la bischutaria ed il saut. Enturn l'onn 1538 croda la posiziun pussanta da Calvin. Il cussegl da la citad al negligescha, ed el vegn dispensà da ses uffizis ed expulsà da la citad.

## Geneva il 1540: Citad dal salit e dal terror

Gia enturn il 1540 cupitga la pussanza politica danovamain a Geneva. Ils aderents da Calvin gudognan puspè il suramaun. Il cussegl da la citad cloma enavos Calvin. Il sciencia sa sviluppescha adina pli fitg ad in grond manader da la Baselia, ad in diplomat, politicher e profet cun ina rait da relaziuns en tut il mund. Per quai dovre in fundament ferm e segir. La citad da Geneva daventa sia fortezza, en la quala el stgaffescha in urden dal dretg public che sumeglia in corset da fier. El elavurescha ina nova lescha fundamentala, las uschenumnadas «Ordonnances ecclésiastiques». Pront approvescha il cussegl da Geneva quella lescha l'onn 1541. Cun quai ha Calvin enta maun ina structura dal stadi spirituala che realisescha senza cumpromiss il pled da Dieu tant en la vita publica sco en la vita privata dals abitants da Geneva. A la testa da ses stadi metta Calvin sper el quatter gremis sco ses uffizis d'execuziun decisivs: il clerus cun ils plevons, ils docters sco magisters da la teoria pura, il cussegl dals vegls per survegliar e spiunar ils citadins (problamain l'uffizi il pli privlus) e sco quarta istanza ils diacons per incumbensas socialas. Spiunadas e denunziadas vegnan oravant tut persu-

nas che divergeschan da la morala vertenta, han opiniuns da cardientscha differentas, surpaskan cumonds da la Baselia, blastemman, portan vestgadira chara e maldeschenta u che èn inattentivas durant il servetsch divin. Perfin ils uffants vegnan encuraschads da denunziar lur geniturs.

Sut l'entruidament da Calvin vegn elavurà il nov cudesch penal e quel po tutta via concurrenz cun la crudaiudad da las torturas dal temp medieval. El sez intimescha ses plevons da proceder oravant tut cunter persunas suspectadas dal strieg cun la pli gronda brutalitad. Il pli tard cun quest terror incalculabel n'è nagin pli segir da sia vita. Geneva aveva da quel temp mo enturn 15 000 abitants; mintg'onn vegnivan dentant fin 15 persunas executadas a la mort.

Calvin, da natira anora plitost flaiavel, temeligt e praticamain adina malsau, pretendia cun ses immens pensum da lavur gronds sforzs da ses corp schaschinà. El pregia regularmain e sco professur ha el l'incumbensa da dar prelecziuns. Ultra da quai scriva el senza paus in cudesch suenter l'auter. Avant dretgira è el in crudai vel derschader senza remischun cunter ses inimis u quels ch'el pensa ch'els sajan tals. Gia in sulet pled offendent cunter el vegn punì, perquai ch'ina offensiun da sia persona è automaticamain in'offensiun da Dieu. El maina corrispondenza cun retgs e regents per l'entir mund enturn e dat cussegl per quai tut las situaziuns da la vita, fa curaschi u exprima era smana-



**Cumpatriot da la Frantscha sco pionier – Guillaume (Wilhelm) Farel.**

tschas terriblas. Di e notg tegna el en moviment ina suita da secretaris ch'èn disads cun ses cumonds.

Calvin ha tutta raschun dad esser preschent ed alert. Pertge danovamain s'auza in'opposiziun cuntercalvinista en furma dals Libertins, la partida da la libertad. Il cumbat ha oravant tut lieu en furma da process brutals. Pertge en quels ha Calvin definitivamain il suramaun. El n'è gea betg mo derschader, mabain era legislatur.

L'onn 1555 datti per l'ultima giada ina revolta averta. Per Calvin è quella rebellun era la chaschun per destruir definitivamain ils manaders dals Libertins: Tgi che na reussescha betg da fugir, quel vegn mazzà. Calvin, sez anc fugitiv, chaschuna ussa da ses maun fugitivs entras ses reschim da pussanza totalitara. Pir suenter questa ultima liquidaziun sanguinusa surmunta el la piculezza da ses agen status da fugitiv. El daventa burgais da Geneva. Uss ha Calvin definitivamain introducì e consolidà sia teocrazia.

In'ultima acziun da pussanza da Calvin èn la fundaziun e l'avertura da l'academia da Geneva. Ella daventa il center da refurmaziun per ils plevons protestants. «Ans trametta la laina!», ha el laschà proclamar en Frantscha. «E nus stgalprain ordlonder las frizzas da Dieu!» Il 27 da matg 1564 mora Calvin, quest um pussant da l'istorgia, suenter lunga malsogna. Ordaifer la Svizra naschan communitads calvinistas en Frantscha, en l'Ollanda, en Scozia, gea perfin en Pologna e l'Ungaria. Pli tard cuntanscha il patratg da Calvin era l'Engalterra. Da là anor sa dera il calvinissem en l'America e marca fin oz profundamain ils Stadis Unids.



Jean Calvin

FOTOS MAD